

**D. MAGNI AV  
SONII POETAE, VI-**

*riq; Consularis, de XII. Cæsaris  
bus per Suetonium Tran-  
quillum scriptis.*

V316



**AESAREOS** proceres (in quo-  
rum regna secundis  
Consulibus dudum Romana poten-  
tia crevit)

Accipe bisseños: sua quenq; mono-  
sticha signant.

Quorum per plenam seriem Suetonius olim  
Nomina, res gestas, uitamq; obitumq; peregit.

**MONOSTICHA DE ORDINE XII.  
Imperatorum.**

Primus regalem patefecit Iulius aulam  
Cæsar, & Augusto nomen transcripsit & arcem.  
Priuignus post hunc regnat Nero Claudius, à quo  
Cæsar, cognomen caligæ cui castra dederunt:  
Claudius hinc potitur regno: post quem Nero scæuus  
Vltimus Aeneadum: post hunc tres, nec tribus annis:  
Galba senex frustra socio confusus inertis:  
Mollis Otho, infamis per luxum, degencer æuis  
Nec regno dignus, nec morte Vitellius ut uir.  
His decimus, fatoq; accitus Vespasianus:

Hh 5 Et

490 AVSONIVSGALLVS  
Et Titus imperij foelix breuitate: secutus  
Frater, quem Caluurn dixit sua Roma Neronem.

TEMPVS IMPERII

XII. Caesarum.

Iulius, ut perhibent, diuus trieteride regnat.  
Augustus post lustra decem sex prorogat annos.  
Et ter septenis geminos Nero Claudius addit.  
Tertia finit hyems grassantia tempora Caij.  
Claudius hebdomadam duplicē trahit: et Nero dirus  
Tantundem: summæ Consul sed defuit unus.  
Galba senex, Otho lasciue, & famose Vitelli  
Tertia uos Latio regnantes nescijt æstas,  
Interitus dignos uita properate probrosa.  
Implet fatalem decadem sibi Vespasianus.  
Te dominante Tito cingit noua laurea Ianun,  
Quindecies seuis potitur dum frater habenis.

DE MORIBVS EORVM.

Iulius interijt Cesar grassante Senatu.  
Addidit Augustum diuis matura senectus.  
Sera senex Capreis exul Nero fata peregit.  
Exegit pœnas de Cesare Chærea mollis.  
Claudius ambiguo conclusit fata ueneno.  
Matriq; cida Nero proprio se perculit ense.  
Galba senex perijt seuo prostratus Othone.  
Mox Otho famosus, clara sed morte potitus.  
Prodigia succedunt perimendi scepra Vitelli.

Laudas



Laudatum imperium, mors lenis Vespasiano.  
 At Titus orbis amor rapitur florentibus annis.  
 Sera grauem perimunt, sed iusta piacula fratrem.

## TETRASTICA, A IVLIO

Caesare usq; ad tempora sua.

Nunc & praedictos, & regni sorte sequentes  
 Expediam, series quos tenet imperij.  
 Incipiam ab Diuo, percurramq; ordine cunctos,  
 Noui Romanae quos memor historiae.

## IULIUS CAESAR.

Imperium binis fuerat solenne quod olim  
 Consulibus, Caesar iulius obtinuit.  
 Sed breue ius regni sola trieteride gestum,  
 Perculit armatae factio seu a togae.

## OCTAVIUS AVGVSTVS.

Vltor, successorq; dehinc Octavius idem  
 Caesar & Augustus nomine nobilior.  
 Longe aua, et nunquam dubijs uiolata potestas:  
 In terris positum credidit esse deum.

## TIBERIUS NERO.

Praenomen Tiberi nactus Nero prima iuuenta  
 Tempora laudato gessit in imperio.  
 Frustra dehinc solo Caprearum clausus in antro  
 Quae prodit uitij, credit operta locis.

## CAIUS CALIGVLA.

Post

492 AVSONIVS GALLVS  
Post hunc castrensis caligæ cognomine Caesar,  
Succesit seuo seuior ingenio.

Cædibus, incestisq; dehinc maculosus, & omni  
Crimine pollutum qui superavit auum.

CLAVDIVS CAESAR.

Claudius irrisus priuato in tempore uitæ,  
In regno specimen prodidit ingenij.

Libertina tamen nuptarum \*

Non faciendo nocens, sed patiendo fuit,

NERO CLAVDIVS.

Aeneadum generis qui sextus & ultimus heros,  
Polluit, & clausit iulia sacra Nero.

Nomina quot pietas, tot habet quoq; crimina uitæ.

Disce ex Tranquillo, quæ meminisse piget.

SERGIVS GALBA.

Spem frustrate senex priuatus sceptrâ mereri

Visus es: imperio proditus inferior,

Fama tibi melior iuueni: sed iustior ordo est,

Complacuisse dehinc, displicuisse priu.

M. OTHO.

Aemula polluto gesturus sceptrâ Neroni,

Obruitur celeri raptus Otho exitio.

Fine tamen laudandus erit, qui morte decora

Hunc solum fecit nobile, quod perijt.

A. VITELLIVS.

Vitæ fors, mors scæda tibi, nec digne Vitelli

Qui



DE CAESARIBVS.

493

Qui fueris Caesar: sic tibi fata placent.

Vmbra tamen breuis imperij, qui pramia regni  
Sapè indignus adit, non nisi dignus habet.

D. VESPASIANVS.

Quærendi attentus, moderato commodus usu,  
Auget, nec reprimit Vespasianus opes.

Olim qui dubiam privato in tempore famam  
Par alijs princeps transtulit in melius.

TITVS VESPASIANVS.

Felix imperio: felix breuitate regendi:  
Expers ciuilibus sanguinis: orbis amor:  
Vnum dixisti moriens te crimen habere:  
Sed nulli de te: non tibi credidimus.

DOMITIANVS.

Hactenus edideras geminos gens Flauia iustos:  
Cur duo quæ dederant, tertius eripuit?  
Vix tanti est habuisse illos: quia dona bonorum  
Sunt breuia: æternum quæ nocuere dolent:

NERVA IMP.

Proximus extincto moderatur sceptrâ tyranno  
Nerua senex, princeps nomine, mente parens.  
Nulla uiro soboles: imitatur adoptio prolem:  
Quam legisse iuuat: quam genuisse uelit.

TRAIANVS.

Aggreditur regimen uiridi Traianus in euo:  
Belli laude prior, cætera patris habens.

494 AVSONIVS - GALLVS

Hic quoq; prole carens, sociat sibi sorte legendi,

Quem fateare bonum, diffiteare parem.

AELIVS HADRIANVS.

Aelius hinc subijt medijs praesignis in actis:

Principia & finem fama notat grauior.

Orbus & hic: sociatq; uirum documenta daturum,

Adsciti quantum praemineant genitis.

ANTONINVS PIVS.

Antoninus abhinc regimen capit, ille uocatu

Consultuq; Pius nomen habens meriti.

Filius huic fato nullus, sed lege suorum

A patria sumpsit, qui regeret patriam.

M. ANTONINVS.

Post Marco tutela datur: qui scita Platonis

Fecit ad imperium, patre Pio melior.

Successore suo moriens, sed principe prauo,

Hoc solo patriæ, quod genuit, nocuit.

COMMODVS IMP.

Commodus insequitur pugnis maculosus arenæ:

Threidico princeps bella mouens gladio:

Elso tandem persoluens gutture pœnas,

Criminibus fassus matris adulterium.

AELIVS PERTINAX.

Aeli iudicio & consulto lecte Senatus:

Princeps decretis prodite non studijs,

Quod doluit malefida cohors errore probato:



DE CAESARIBVS.

495

Curia quòd castris cefferat imperio.

DIDIVS IVLIANVS.

Dij bene quòd sceleris Didius non gaudet opinis,

Et citò periuro præmia adempta seni.

Tuq; Severe pater titulum ne horresce nouantis:

Non rapit imperium uis tua, sed recipit,

SEVERVS.

Impiger egelido mouet arma Seuerus ab Hisiro,

Vt parricide regna adimat Didio.

Punica origo illi, sed qui uirtute probaret

Non obstare locum, cum ualet ingenium.

BASSIANVS ANTO-

ninus Caracalla.

Disimilis uirtute patri, & multò magis illi,

Cuius adoptiuo nomine tu perhibes:

Fratris morte nocens, punitus sine cruento,

In risu populi tu Caracalla magis.

OPILIVS MACRINVS.

Princeps hic custos sumptum pro Cesare ferrum

Vertit in autorem cæde Macrinis iners,

Mox cum prole ruit: grauibus pulsare querelis

Cesset perfidiam: quæ patitur, meruit.

ANTONINVS HELIOGABALVS.

Tunc etiam Augusta sedis penetralia scedas

Antoninorum nomina falsa gerens,

Reliquum non extat.

IOANNES